

мимбивэ хорин тойнга модан сосхалару, мэнэ  
лаодимби-да хорин тойнга модан сосхалару.“  
Эден инэктэлухэни, лаодимби пунгнэгухэни,  
мападу-тани эм минган тиэсэвэ бухэни.

\* \* \*

Эм баян купец дихаку потачакамби хуэдэ-  
хэни. Купец ункини — потачаканду дюэр мин-  
ган тиэсэ бичини, уй-дэ чава баогой осини, тэй  
диха калтавани ми нёандоани будемби. Нёани  
дёбомдини тэй потачакамба баогохани, тотара  
купецчи ирагохани. Купец дихаи долимбани  
бувуривэ кайранкини. Чаду купец дёмбохани:  
„Ми потачакамби долани диха оячиани гучи  
бобой дёло бичини. Си ми тэй бобой дёлон-  
гоива бугуру, чаду-мат ми эм минган тиэсэвэ  
будемби.“ Дёбомди судьячи энэхэни. Судья  
туй дёдыхани: нёани купецчи ункини:“ Си  
ункиси — си потачакандоаси дюэр минган тиэсэ,  
гучи бобой дёло бичини. Эй потачаканду-тани  
тэй бобой дёло абани. Туй тай осини, эй по-  
тачакан синги биэсини. Туй тами эй дихаку  
потачакан, эдемби баогойчаа эй дёбомдиду  
бигини. Си-тэни мэнэ хуэдэхэмби най сагоани  
дериру, баогодярал.“ Купец мариарачини, дё-  
бомдиду эм минган тиэсэвэ бухэни.

\* \* \*